


磐石溪詩鈔

一百詩

中

A13
1097
1



113
1097
1-2



011702039233

門 4 13
號 1097
卷 1

佳日厚色似雪稿一百餘鈔懸襟蓋淡
淡或詩律之精細筆力之老健之類與別
措字亦易而穩者清純長篇另押韻
妥當而氣極痛快之福之際殆言弩火
於船而航在中海之想也爰謹完結清
標借評以博

大雅一友

杉田信成印再和

碧溪夫子志先生神照六

懸之翁

大正十五年二月
房仙文部文家

一寒新編志性情流
傳海內為名會以
拍案先呼快唇眼極
燈台覺明惡句空無
印粉思雄篇初月鬼

卷之三 題詞

寧靜園藏

神驚睡穩倫銀事
如法始為政公畏後
生
梅痴道人題

余與飯沼梅上人訂文字交其年矣今秋
將有錫名福任之命出都三日奄然不寐
信之如草已矣及矣之如或成也
自明室六枝淨敬書

崇
廣

竹口貞高利

殷石溪詩鈔二編

東奧 大槻清崇士廣

一百詩 此卷分體錄之不復記支干

三月望日林子起新堂集得日字

節當挑月中。人同竹林七。飛檄約不違。看花及是日。微
雨恐濕衣。團欒聚一室。評白或品紅。語言皆真率。漠漠
向黃昏。林水愈清逸。相携下階行。芳草夾路茁。飛花逐
蝶輕。暗柳藏鶯密。步到小橋西。滿塘春水溢。隔岸認鐘
聲。寺樓排樹出。目送數歸禽。杳然烟裏失。

初夏游袖崎 公園詩集孟子七篇語三十韻

時方校自著孟子約解故緒餘及之

臣聞大國富。千駟繫馬肥。城南設園囿。反取具體微。有時一游豫。草木生光輝。微臣及間暇。以其私來窺。山徑茅不塞。丘陵自高卑。百步五十步。而止行遲遲。高木高數仞。烏獲不能移。欣欣榮夏日。暢茂相扶持。一逢秋陽暴。乍見文繡施。訖然來柳下。惠風萬縷絲。長者下車處。攘臂為折枝。掘井及九軻。原泉混混來。激之使在山。湍水不可磯。昔有生魚饋。校人畜之池。始舍猶囿囿。少則

攸然之。於物魚鼈躍。洋洋得所哉。沛澤多鴻雁。白鳥鶴鶴飛。不兼養生鶩。惡用鯢鯢為。汙池與園囿。何人竭心思。樹藝有如此。知非賤場師。枉道則之野。雪宮月亦宜。登之左右望。有似龍斷私。俯矚不下帶。田野草樹滋。雨露之所潤。待時下鎡基。播種耰耨。皆熟日至時。終日有此樂。忘矣渴與飢。深山交木石。異野人幾希。惡知其非有。久假而不歸。吾見亦罕矣。君心未可知。誰作相說樂。來歌角招詩。

蓮花歌贈大垣藩鐵心大夫

舟名詩言金二系
空青障瘧夾
蓮花似大夫。大夫似蓮無。六郎昔曾比。所取本來殊。中通仍外直。不待旁人扶。淨植淤泥上。亭亭不可汙。梅花君所愛。繞屋三百株。取其清高節。鐵心獨自呼。却把蓮花擬。無乃不倫乎。君寓在何處。城西天女湖。維時觀蓮節。池綠而華朱。剪取雲錦段。數朶寄座隅。雖非君家物。可以助清娛。同是君子節。一賞付胡盧。

佐野世子益堂君輓詞

憶君在龍口。婉孌殊可憐。卅兮其總角。游戲放紙鳶。及移西城下。勉學一心專。祖公辭叅政。旋復轉永田。延余

為師友。繼述志益堅。頎然加元服。人稱世子賢。嚴君襲前職。徙邸治門邊。重修觀光館。增廣置生員。世子躬自莅。詩書細窮研。余謀冒講席。討論互周旋。濟濟成多士。闔藩遍誦絃。要是世子力。余與有榮焉。自余知世子。于今三十年。平素無他好。日披百家編。詞藻尤所長。篇篇皆可傳。何圖罹風疾。俄歸九重泉。初聞疑是夢。神定方驚顛。溫乎其丰采。彷彿在眼前。不見纔一日。永訣豈非天。憑棺哭聲絕。落日咽殘蟬。

贈玉蕉女史

文鳳女中鳳。先鳴在高岡。文彩誰得比。濃州馬細香。采
蘋齊季女。志在捧宮筐。紅蘭敬君子。梁家一孟光。吾奧
玉蕉氏。追逐參翱翔。開肆江都市。隔紗坐講堂。翩翩女
博士。各自占一場。丈夫有慚色。寄語報諸郎。

除日別歲宴賦示在塾諸子

朝生甘清苦。勉學不知疲。藤子持溫厚。為善日孳孳。加
藤非將種。擬奪李杜奇。山生耽繪事。直追席頭痴。獨有
栗野子。文武兼學之。五人三處產。所志各有期。遠來投
我塾。筆硯互追隨。以吾一日長。抗顏敢稱師。終年無所

益。慚此鬢邊絲。荏苒歲云莫。人事相驅馳。朝來蓬戶外。
雙雙插松枝。栢枿兼大橘。當頭挂檐楣。壁揭晦翁像。團
圓供餅飴。庭內灑掃了。邀春計無遺。舉酒酬諸子。醉唱
別歲辭。嗟乎吾老矣。桑榆已悔遲。君輩春秋富。百事皆
可為。且戒三不惑。莫誤青年時。志業能有就。令聞一身
施。後生洵可畏。宣尼豈我欺。

松島篇

以下七古。此篇既見攝東七家集。後頗加訂正。因再錄于此。

煙波三萬六千頃。羅列二百九十岳。天造地設神異境。
巨靈負負費鑿鏡。夜月往往聞天樂。彷彿雲中奏英咸。

一百詩錄
一
我放輕舟向其際。一葦駕風去。颿颿。沂泗過。盡千賀浦。
十里水程帶潮鹹。籬島以外漸空濶。海燕羣飛語呢喃。
忽有島嶼來奔會。紛如萬馬脫轡銜。船頭相迎船尾送。
看他姿態盡神剗。怒者金剛笑者佛。天女學舞飄輕衫。
鶴張翼兮龜曠背。躍春蛙而走秋兔。烏帽傾兮黃冠側。
鎧乎鏊乎太森嚴。無樹不松皆蟠屈。蒼鬣櫛風何纖捺。
福浦獨有渭川富。千竿修竹翠煙緘。一棹路轉津市近。
華鯨吼處是瑞巖。渚亭翼然占勝槩。彩鷁有時翻風繆。
捨舟更攀富春嶺。空翠濕衣入檜杉。喜得雛僧來導我。

輕趨走險捷於獬。雲際乍現大仰寺。天門咫尺劍可械。
上界自有高僧住。煙霞供養任老饒。為是蒙密遮遠目。
高樹之巔一掃芟。躍然振衣臨無地。長風吹髮髮彭彭。
萬點青螺聚一矚。高峯當面簇羣碧。白波浩蕩魚龍躍。
葉大漁艇散千帆。長沙橫截十餘里。遙見蜚丁拾海蟻。
連山斷處金華出。倚天峭壁青巉巖。俯仰蒼然暮色至。
萬象藏形忽黯黕。須臾大月擘波上。一團明鏡開寶函。
劃然長嘯林木震。莫是山靈感至誠。我願立碑最高頂。
來擬磨崖大字嵌。題曰天開活圖畫。天下公言有誰僂。

慢把天橋嚴島比。直將特筆雪寬讒。仙真窟宅何足說。
大東百神所臨監。區區瀛洲蓬萊島。只算水俗與山凡。
人日大雪用歐公雪詩韻兼倣其禁體

臘裏梅花放綠萼。只道今年寒威薄。開歲連晴到人日。
天氣俄變雪大作。埋沒丁丁搗菜聲。徹曉繽紛遍城廓。
萬瓦平鋪無邊際。千林蘇開皆灼爍。無復賀客一人來。
門竹半折松落落。奇寒應有隨指卒。南人恐為踰汶貉。
只見羣犬喜且狂。饑鴉食盡無可攫。平地已知盈三尺。
積自晨雞到夕雀。想像墨江林水清。老懶無意著吟屨。

且捲窓簾袖手看。也勝銷金帳裏樂。清致慢思學士茶。
石鼎自取碎屑瀹。須臾日暮雲漸收。微月影斜天漠漠。
一家嬉戲不知寒。女鬪歌牌兒握槊。主翁獨和歐公詩。
春燈剔盡猶吟嘍。

穀日雪晴赴林祭酒盛招復用前韻

雪壓園梅纔露萼。風搖門柳煙猶薄。街頭掃處半成泥。
猊席團釋誰復作。欣然起倚寧靜閣。彤雲四散天宇廓。
海門瞳瞳日漸高。萬頃春波紅閃爍。憶起城南梅花早。
十里香雲遍村落。欲向橋畔策蹇驢。難坐爐邊與子睡貉。

已見羣童乘新晴。幾縷紙鳶爭相攫。折簡忽喜蒙佳招。
投袂一起驚檐雀。城中泥乾已吹塵。不似陋巷沒雙屨。
一門桃李皆盍簪。棣萼兼敘天倫樂。滿堂和氣春駘蕩。
心地融盡水潭淪。興來慢攀廬陵詩。如懸孤軍入大漠。
白戰只道無寸鐵。有人摩壘先奪樂。但喜酒無金谷罰。
成與不成付大噱。

從騎行

輿東名馬是桃花。金鞍玉勒去訪花。扈從侍臣十三騎。
有驪有黃爛似花。聯翩先問新梅墅。縱觀將軍覽後花。

滿庭不着塵一點。肯容外人來窺花。供張依然疇昔跡。
幾棚陳列盆栽花。揚鞭更走長堤上。樹樹紅意未上花。
嫩柳春淺梅兒塚。東風無人奠香花。馬首轉向木下水。
古池誰擬八槁花。維時二月寒料峭。燕子未來况有花。
聞說古梅莊畔路。新闢田園多種花。馬蹄行盡七八里。
果見橫枝出籬花。柴門穿處巧通徑。籬北籬南盡放花。
園丁驚喜貴人至。折取數枝來獻花。卧龍梅在一槁外。
來顧偃蹇數畝花。比之新墅殊古色。老幹半蝕碧苔花。
管神廟前更奇種。千里飛梅一夜花。且投旗亭休從僕。

人人買醉酒過花。興酣亭主進雙鯉。活潑金鱗帶落花。
豪來飛鞭疾於鳥。片片觸落路旁花。馬塵咫尺追不得。
鼻端生火眼生花。一蹴直到洲崎畔。海水成灣開菱花。
春波淡蕩帆影遠。不似寒潮卷雪花。遙見夕陽紅抹處。
映出芙蓉八朶花。回鑣歸去中街路。寂莫非復舊烟花。
誰向章臺折楊柳。不見一枝解語花。駸駸馳入深川邸。
解鞍喜未及燈花。噫嘻此游真快事。君臣聯轡同賞花。
小儒何以答恩遇。且將詞藻充蘋花。但恨臣無瀟灑筆。
一片風姿愧梅花。

建久古銅竈歌

我公廐所置銅竈高二尺幅六尺外方內圓圓
處置火方處燂湯以供浴馬之用傳云源右將
狩富士野時所用雖信否未可知要之為數百
年外之物無疑也康成二月五日中郎罹災廐
亦焚矣而此物儼存似有神呵護之者乃命臣
清崇作之歌

維昔建久癸丑夏源公大獵富士麓旌旗蔽天金鼓震
千隊從騎如雲簇先縱輕卒三面圍驅盡毛羣遍山谷

猛士舞刀待其來。直與摯獸相角逐。被傷彭家人立啼。
脫箭窮猿抱樹歿。相彼投兔輒斃之。鹿斯之奔應弦伏。
獵罷行營竈烟揚。馬解鞍兮士釋箠。滿身流汗浴不收。
汲盡銅爐湯萬斛。爾來星霜六百餘。此物儼然存面目。
銅質煌煌含紫氣。古色鬱律殊可掬。何年歸我侯家有。
神所呵護寧可黷。置之公廨不斷火。晨夜沸騰任湯熟。
今日朝野沐國恩。誰向中原還逐鹿。圍人浴馬叱叱聲。
無復流矢在白肉。

金源古鐘歌為飫肥侯賦

欵曰承安六年辛酉二月造天井寺金堂懸排
八重四十斤半按承安金章宗年號而天井寺
係韓國寺名蓋侯祖恩公征韓之役取此鐘以
為軍號云

古鐘一口金國器。承安辛酉有欵識。篆來六百五十年。
古色藹然滴翡翠。高尺四寸圍倍之。鑄造古雅精而緻。
纖月破雲弓樣張。天女御風舞態媚。上帶下帶篆草花。
龍首蜿蜒繞鈕鼻。維昔韓國安寧時。金堂懸排天井寺。
連鼓一百八回聲。驚醒三十六房睡。一旦國破歸祖公。

鏗以立號。供武事。三軍士卒應聲興。八道夷民爭先避。嗚呼同一古鐘耳。運用在人功則異。一自虎皮包干戈。鐘懸城樓久捐棄。今公一瞥驚神奇。便命儒臣作之記。記成好古情愈深。徵詞藝林遠寄示。外臣崇敢與知防。仰唱長歌寓諷意。愛護苟念祖宗勲。豈云玩物喪其志。君不見簡公好樂任子產。抱鐘而朝鄭國治。

送片山元章歸高松藩

八栗山五劍峯。造化削成神秀鍾。此際應有十俊產。只見層雲紛盪胸。憶昔栗翁奉飛檄。東風挾雨化為龍。海

南名士一時起。各挾絕技爭追蹤。芝山五經詳訓詁。後藤點成誰不從。五山詩風鼓橐籥。幾個才人出鑄鍛。竹石道人畫中傑。一洗北派唱南宗。屋山手持一條鐵。壓倒藏六與芙蓉。後來林谷筆愈健。也使勤齋避其鋒。今日皆為騎鶴客。久矣無人說高松。誰繼興者片山子。六藝之園獨從容。文章夙期不朽業。欲破萬卷驅使供。東游卸笈投國學。幾年文史耽三冬。掀翻韓蘇溯秦漢。英華咀嚼已醇醲。一篇每成人傳播。金石擲地響琤琮。丈夫成立有如此。筆陣千里可折衝。一朝家信促行李。無

乃邦君擬登庸。畫錦榮歸雖可美。臨別何禁并歡。此
去五十三驛遠。解鞍浪華萬雉墉。一帆更破赤石浦。萬
頃春波碧溶溶。一衣帶水是鄉國。咫尺煙嵐日暮逢。嗟
我婚嫁何時畢。名山隔海幾千重。期君英名馳宇內。不
獨擅美於十二萬提封。

夏日夢游松島

小松蒙小島。大島戴大松。高者拂雲低者水。百千出海
翠重重。曉波忽變紫金色。紅輪飛上金華峰。昔游恍入
夢。羣仙笑相逢。簾外晚風來吹枕。紫薇花上夕陽紅。一
聲華鯨俄然覺。彷彿瑞巖寺裏鐘。

中秋對月感懷

玉兔搗藥長不死。嫦娥奔月月中止。不知誰見誰傳之。
西人妄誕自古爾。山河影婆娑。空處即海水。揆之鑑照
物。此言獨有理。泰西立說更新奇。月亦一箇坤輿耳。山
雲岳雪太分明。望遠有鏡仔細視。嗟乎不務民義只談
天。理析毫芒亦已矣。何況各國事戰爭。須臾甲仆又乙
起。舉頭冰輪皎在天。銀漢虛明秋萬里。且向明月侑一
杯。我有萬年真天子。

靈芝頌為棚倉侯賦

以下五律

不必仙家種。君靈芝亦靈。朱柯光爛燦。紫蓋影瓏玲。遺老思商嶺。佳兒想謝庭。賢明膺此瑞。四境頌聲馨。

春雪

滿目瓊林遍。江山畫未真。梅含褒姒笑。柳劬西施顰。雲散天排墨。風來地卷銀。豐年今有兆。卜得歲功均。

春寒

春寒擁爐火。兀坐養踈慵。且酌茅柴酒。來澆芥蒂胸。柳眉風未展。梅臉雪猶封。料峭東郊路。何時試短筇。

花塢夕陽遲

十里桃林塢。彎環路未窮。風柔蝶舞倦。日暖禽聲融。水漲柳陰外。人歸花影中。春雲凝不散。留得夕陽紅。

牡丹

南面嘉名重。東君眷寵優。妖姿風欲動。醉態露將流。階藥避三舍。池蓮輸幾籌。嬌柔還有力。旬日挽春留。

秋水共長天一色

太湖三萬頃。一碧拭秋煙。積水疑無地。遠帆來自天。雲飛歸鳥外。波動夕陽邊。暮色蒼然至。笛聲何處船。

水始冰

以下排律

窮谷寒方到。百川陰始凝。源頭碍東楚。渡口留歸僧。流
合舟纜絕。痕高岸未崩。誰能判涇渭。難復辨淄澠。雙鯉
潛雖伏。三狐疑未登。風來銀錯落。月照玉稜層。光武歎
祥瑞。曾參戒戰兢。履霜如昨日。已恐至堅冰。

拜觀昌平學釋奠儀

秋天收積雨。曉日報新晴。卜此中丁吉。趁他平日明。堂
庭粲灑埽。簠簋森縱橫。祭酒冠裳整。衆官青紫榮。爵行
三獻禮。樂奏九成聲。觀畢人將散。桂香衝鼻清。

春初侍某侯夜宴

以下七律

蕭灑林泉絕點塵。高堂開讌會同人。狎恩叨伴鷓鴣侶。
恃愛誤忘麋鹿身。銀燭照顏烟吐綠。玉杯醺甲酒生鱗。
不知鐘漏報初夜。坐盡一團和氣春。

藕池春望用前韻

灑埽庭階不住塵。一條細路劣通人。藕池水解開三面。
蓮嶽雲晴呈半身。臨水柳絲黃淡淡。穿林瓦屋碧鱗鱗。
非乘清暇寄游賞。誰識城中有此春。

上元大雪林先生席上和曾茶山韻

元宵大雪一城間。壓殺鰲山詫異觀。萬瓦月光欺白晝。半庭梅影護清寒。陶家雅致茶全熟。梁苑風流興已闌。為是主人先授簡。沈吟聽到漏聲殘。

三月上巳集蘭亭序中字三首

今年癸丑暮春時。又遇蘭亭修禊期。曲水流清生激浪。和風天朗引游絲。暢情是日羣賢集。託跡斯文後者知。靜世隨時娛樂在。無將老少異欣悲。

山陰故事昔人游。今日同娛亦有由。曲曲激湍春映帶。欣欣茂竹地清幽。豈隨靜躁殊懷抱。不取彭殤陳短修。

此會雖然少絲管。又將觴詠寄風流。

會稽盛集永和年。當世興懷猶快然。曲水于今修禊事。春風萬古有崇山。游娛趣在形骸外。感慨情生俯仰間。能託流觴終日樂。蘭亭自異竹林賢。

夏景冲澹用皮襲美韻

麥寒時節鎖窓紗。檐外風微燕子斜。樹色千山皆夏景。鐘聲何處是僧家。新雷已放林間竹。浪蝶猶尋葉底花。春事茫茫如昨夢。鬢邊踈髮感年華。

送人游富嶽

蓮峯拔地萬尋餘。壯汝飄然凌太虛。何獨神靈標日域。
直將氣象壓坤輿。天門不減千秋雪。石室猶存三代書。
最是金鷄纔一唱。紅輪輾上五更初。

中秋藕潢林子暖房宴用主公韻

灑然泉石繞精廬。喜見新居勝舊居。滿座騷流皆熟面。
一床縹帙半生書。秋高已有飄香桂。露冷曾無墜粉蕖。
生怕浮雲欺夜月。有時洩影闖軒疏。

秋日偶成和明道先生韻同良齋前輩賦

一領弊裘雙鬢秋。等閑老却讀書樓。實心實理甘如蜜。

浮利浮名輕似漚。松樹露清仙鶴警。蘆花霜冷野鷗愁。
何時女嫁男婚畢。去學名山五岳游。

鬢絲非復舊時容。照盡十年燈火紅。玩索真能解風味。
議論何必避雷同。蟲聲在戶秋將老。桐影當軒夜正中。
只把閑身寄鉛槧。任他無客訪楊雄。

藕潢先生見示八音一貫之作。做顰賦三首以呈先生。

金城西畔虎關上。石徑螺旋到古扃。絲短數株霜後柳。
竹寒三面水邊亭。匏傾酒漉興餘興。土斥湖填庭外庭。

革絨委蛇公退處。木魚聲隔遠林聽。

金谷爭如獨樂園。石崇豪侈彼何人。絲添霜髮老將至。
竹絕韋編易入神。匏管生寒簧舌澁。玉膏不動柳眉顰。
革堅兵利今無用。木鐸只期風教新。

金交久已結文緣。石鼎聯吟知幾篇。絲肉嘔啞豈云樂。
竹林曠達慢稱賢。匏宜渡水非無用。土解生毛亦有偏。
革面何時能豹變。木強敢望故人憐。

臘月念六藕潢先生竟宴和主公韻

亂書堆裏樂夫天。遮莫炎涼幾變遷。陋學幸陪門下後。

賤齡慚占座中先。苦吟身渡無邊水。半醉心浮不繫船。
忘却紛紛塵事鬧。一宵文酒餞殘年。

一齋翁八十壽言

一代儒宗湖海豪。果然朝辟下蓬蒿。千秋鴻業文章在。
百歲英名泰斗高。蓮幕講經多啟沃。杏壇振鐸足薰陶。
何唯上帝錫難老。餘慶傳家有鳳毛。

集魯論字

不才唯願學而優。富貴浮雲難可求。沒世稱名首陽餓。
一朝辯惑舞雩游。從吾所好由斯道。於女何誅居下流。

四海滔滔皆是也。豈如飲酒以忘憂。

梅花用高季迪韻

新向梅邊築小臺。臺前數樹舊曾栽。晴天有雪影時碎。
鎮日無風香自來。清氣偏籠深夜月。纖塵不到滿庭苔。
晁憐臘尾連春首。枝北枝南落復開。

楠公

王氣銷沈鬱未開。金剛山峙碧崔嵬。當他皇運中興日。
得此人豪撥亂才。百戰纜支賊巢覆。重圍方解帝車回。
乾坤再造賴公力。誰把睢陽倫擬來。

浦賀

松輪磯對竹岡灣。幾處行營備遠蠻。矛戟相摩兵隊肅。
旌旗不動砲臺閑。潮聲晴怒三崎浦。雲影秋高七島山。
誰道海門無鎖鑰。雄藩鎮衛是重關。

送人游名山

以下五絕

觀海難為水。登高必自卑。游山悟斯理。在在有餘師。

金洞山

羣仙欲飛舞。金洞石門西。咄咄山陽子。慢誇耶馬溪。

題自畫墨蘭二首

寄跡在空谷。無人香自高。斯花不可見。端坐讀離騷。
無名澗邊草。一樣委風霜。自有同心友。千秋臭味香。

南溟畫芭蕉圖為壯軒林公題三首

芭蕉秋不耐。何況雪霜中。一入王維筆。寒旗動朔風。雪
大葉迎涼月。亭亭夜色深。秋風忽狼藉。一半石床陰。月
朝朝供揮灑。一夜雨聲喧。却喜藏吾拙。推殘在墨痕。雨

元旦微雪

以下
七絕

時疎時密雪紛紛。黯澹春城欲夕曛。唯有風箏偏得氣。
一聲聲破半空雲。

二日作

滿街賀客醉相扶。松竹影斜天欲晡。今夜何人成吉夢。
沿門爭賣寶船圖。

梅花

溪山有月暗香動。野水無人疎影橫。試把昔賢來以擬。
高風千古聖之清。

重游梅莊

梅花久已許心知。今日重來約不違。自有古香清似舊。
春風吹上故人衣。

看梅夜歸

盡日梅邊倒酒瓢。賞心不覺月臨宵。歸來恐被山妻妬。
衣上靈香拂不消。

東台看花

一道香風門半開。尋春得得入東台。林櫻埋盡慈雲閣。
笑語聲從花際來。

上界鐘聲促落暉。賞心未肯出禪扉。春雲忽送花間雨。
幾隊綺羅爭路歸。

雨中下墨水

煙樹濛濛隔岸村。孤篷衝雨下黃昏。一江春水平於席。
稀點如波跳有痕。

殿山看花

春深品海驛南山。滿路香風醉客還。一碧隔花天水濶。
高帆明滅彩霞間。

春曉

流鶯報曉一聲啼。春夢纔醒眼欲迷。花影輕輕猶可辨。
殘蟾挂在海棠西。

牡丹

淡紅濃紫鬪奇葩。香露春深富貴家。老矣東皇辭位去。
直將南面屬斯花。

暮春雜詩

春事匆匆且莫驚。人生寧有百年榮。鳥啼花落渾不管。
畢竟東風亦世情。

三月盡携兒修拜先人墓

春盡年年薦藻蘋。慚無涓滴報慈恩。九泉今日應含笑。
五十兒携八歲孫。

山中夏日

山中日似小年長。讀易槐陰坐石牀。正是隣翁睡初起。
午風一縷送茶香。

夏晚即事

炎威纔斂夕陽傾。浴後身如得再生。滿樹噪蟬歸一寂。
涼階細聽早蟲聲。

林子八宜樓所見

面面秋荷翠蓋擎。中看紅袖照波明。西風忽送池塘雨。
萬點珠璣跳有聲。
池頭雨散暮天澄。一洗炎威涼可乘。隔岸旗亭人已倚。

碧荷風外閃紅燈。
水煙漠漠送微風。半醉人歸荷氣中。忽恠池蓮花盡白。
涼蟾升在柳塘東。

漁村夕照

蘋末風生涼意多。殘陽一道動遙波。晚漁市散柳陰靜。
幾隻虛舟膠在沙。
天高水遠碧洋洋。帆影依稀帶夕陽。隔岸釣魚人已去。
一江秋色在衰楊。

客舍逢秋

落後羈人滯海陬。剩炎未退已驚秋。寒蟬早報授衣節。
嘶盡殘煙高柳頭。

日夜聽落葉

斜月橫空夜色移。紛紛墜葉撲簾帷。挑燈獨讀秋聲賦。
背壁蠻童睡不知。

秋郊晚歸

黃雲苒苒野寬閒。落日蕭條策馬還。一徑墜紅聲簌簌。
殘楓林外見他山。

九月晦携兒修拜先君子墓

鬱鬱佳城何處尋。秋高海上古禪林。翻將平日校書手。掃盡墳前落葉深。

十月望月下作

露氣淒然徹骨清。高樓仰月坐三更。何來鳴鶴掠天去。莫是蘇仙夢後聲。

集後赤壁賦中字

月白江山夜寂寥。復携斗酒出臨臯。黃泥坂斷長流湧。赤壁巉巖千尺高。

江行初雪

彤雲漏日辨黃昏。舩過枯蘆十里村。水漲斷冰寒尚薄。半江微雪落無痕。

寒郊所見

黃雲慘愴壓平原。卷地寒飈衣袂掀。忽有蒼鷹攫飛鳥。血毛和雪半空翻。

冬晴即事

茶梅花落一庭寒。且愛霜晴倚小欄。恠得春風到隣舍。籠鶯隔竹送綿蠻。

雪夜讀書

風雪窓前竹折初。峭寒逼骨惜三餘。君恩自有膏油繼。坐讀孫康映後書。

八幡公過勿來關圖

白旆央央辭帝家。春風躍馬入煙霞。知君勝策無遺策。橫槊關門詠落花。

新羅三郎足柄山吹笙圖

邊塞兇徒未伏誅。吾兄幾歲苦馳驅。一聲吹徹離鴻曲。憑寄秋風到海隅。

楠公湊川戰死圖

王事寧將成敗論。能知順逆是忠臣。斯公一死兒孫在。護得南朝五十春。

備後三郎題詩櫻樹圖

蠶也沼吳心自期。君王出狩且休悲。稜稜俠骨香千古。一樹櫻花十字詩。

孟母斷機圖

慈母三遷抑亦勤。滿頭白髮亂如雲。機絲一斷吾兒續。織得經天緯地文。

韓信出胯下圖

助得寬仁大度人。功名永與漢家傳。惜君能忍胯間耻。
不忍尋常噲等肩。

李白大醉圖

長安市上酒中仙。唯有劉伶堪比倫。四海滔滔醉名利。
先生自是獨醒人。

蘇東坡赤壁圖

凜凜孤忠何日忘。不唯報國有文章。看他赤壁閑風月。
猶望美人天一方。

題桃源圖用浪華筱小竹翁原韻六首

祖龍一炬及池魚。滿地灰塵失舊居。倉卒避他文字禍。
何緣更帶火前書。

皇家網密水無魚。踏地躅天難可居。相率武陵源上去。
溪山不入板圖書。

桃花水暖戲春魚。屋舍儼然桑竹居。羸蹶劉顛曾不記。
仙家畢竟有何書。

食實熬薪兼煮魚。紅樅栽遍洞中居。誰圖負子携妻外。
賺得官家種樹書。

一境相親如水魚。神仙何必好樓居。垂髫黃髮怡然樂。

可有人間禮數書。

不向源頭去捕魚。歸來一一說仙居。千秋託得柴桑筆。休恨漁翁不解書。

元寇覆舟圖和藕潢先生韻六首

誅周斬杜笑談餘。肯受驕胡多夸虛。不奉謝書來請罪。

忿兵猶佩舊銅魚。

杜世忠周福並元使者名。官志為銅魚符以起軍旅。

唐書百康元中

元兵寇壹岐弘安入寇實係再舉

檣架艤艦幾丈餘。縱橫揮槊直衝虛。三軍心在漏船底。抵死吞舟不漏魚。

快刀斬敵殆無餘。便有神風來擣虛。髯虜曾輕鱗介族。

悔不今日汝其魚。

慢道萬人兵有餘。天時何料在孤虛。不將白骨暴原野。

辛苦來為海底魚。

殲胡聊出武威餘。須信神州名不虛。且放三人還報道。

貉貅盡作日東魚。

萬船無復一船餘。積水茫茫接太虛。猶見當年鏖戰跡。

漁人呼噪捕鯨魚。

余既為書賈青藜閣主人選近時名人十二家絕句主人更請刻余詩因就集中鈔古近體一百首以授之記昔青年西游訪賴子成於京師子成批余詩曰公既能文如此願讀韓蘇二集力追其雄大處沾沾趁時何故也今日頌白詩自頹焉自放不敢望韓蘇雄大然得免纖巧軟弱之習者實子成之賜也安得作子成於九京而把臂論心耶

嘉永癸丑夏六月五十三老人大槐崇識

